

EBZk moneta politika zuzenduko du

Erakundearen independentzia inflazioari kontra egiteko tresnatzat jo zuen Maastrichteko Itunak

Agentziak / Brusela

Europako Banku Zentralak —EBZ— euroa indarrean sartu den hamaika estatuen moneta politikaren ardura hartu zuen atzo bere gain. Bankuak botere instituzional guztiak hartu ditu astelehenetik, hilak 4, eurolandeko moneta politika zuzentzeko. Bere helburua: prezioen egonkortasuna bermatzea.

EUROAREKIN batera funtzionatzen hasi den bankua moneta bakarra duten estatuen politikaren eraginetik urrun eta independentea izango da. Interes tipoak jartzea izango du EBZk lehen erabakia. Honen bidez euro eskualdeko estatuen moneta politika zehazten hasiko da. EBZaren Gobernu Kontseiluak bi zutabe nagusi izango ditu: Batzorde Eragilea eta hamaika estatuetako banku zentraletak gobernadoreak.

Erakunde ekonomiko berri honetako lehendakaria Win Duisenberg holandarrak du. Duisenbergekin 62 urte ditu eta Holandako Banku Zentraleko gobernadore ohia dugu. Duisenberg Frakfurten dago egun, EBZak egoitza duen hirian, hain zuzen. Berarekin batera Cristian Noyer frantsesa izango da, lau urtez, EBZaren zuzendaritzako lehendakariordea.

Batzorde Eragilearen sorrera zaila

Europako Banku Zentralearen Batzorde Eragilea osatzeko prozesua zail-zaila izan zen, berori gauzatzeko nahastu ziren interesak ekonomikoak ezezik politikoak ere izan baitziren. Azkenean



Yves Thibault de Silguy
Moneta
Arazoetarako
komisarioa eta
Win Duisenberg
Europako
Banku
Zentraleko
burua, euroaren
jaiotza
ospatzen
txanpainarekin.

HERWIG VERGULT / EPA

Wim Duisenberg aukeratu zuten lehendakari zortzi urterako, Maastrichteko Itunak agindu moduan. Duisenberg buru izendatzeko akordioa hamaika ordutako eztabaidaren ostean iritsi zen Bruselan maiatzean eginiko bileran.

EBZaren ezaugarri nagusia bere independentzia da. Maastrichteko Itunak dioenez, Europako Banku Zentralek ezin izango ditu jarraitibideak eman edo eskatu. Arau hau bankuaren independentzia nabarmentzeko jarri zen, independentzia hori baita EBZaren sortzaileen aburuz, inflazioari aurre egiteko metodo onena.

Duisenbergekin ez du EBZetik joan nahi

WIM DUISENBERGEK Europako Banku Zentraleko Lehendakari izango da 2002. urtean utziko ez duela adierazi dio *Le Monde* egunkariari. EBZeko buruaren esanak goibeldu egin du Frantziaren euroaren jaiotzaren une historikoa, postu hori lau urteren buruan Jean-Claude Trichet Frantziako Bankuko gobernadoreak betetzea

espero baitzen Parisen.

Izan ere, hori izan zen oinarritzako baldintza kargu garrantzitsu honen inguruan Alemania eta Frantziaren arteko liskarrak gainditu eta adostasuna lortzeko hitzezko akordioan: Europako Banku Zentraleko lehendakariak zortzi urteko agintaldia du legearen arabera, baina Duisen-

berg prest agertu zen maiatzean lau urte pasatu eta gero postua Tricheten esku uzteko.

Le Monde-ri eskaini elkarrizketan kargutik joango ote zen galdetu zion kazetariak Duisenbergi. «Galdera hau egingo ez zenidan esperantzak nituen. Erantzuna zera da: ez».

Frantziaren presioa zela medio, Duisen-

bergekin agindu egin zuen postuari dagokion berezko agintaldia bukatu baino lehenago utziko zuela EBZeko Lehendakariak. Duisenberg holandarra Alemaniaren babesa zuen kargurako, baina Parisek frantses bat jarri nahi zuen erakunde ekonomiko honen gailurrean. Duisenbergekin bestelako asmoak azaldu ditu orain.

erreakzioak

Gerhard Schroeder • Alemaniako kantzalaria



«Bukatu dira nazioen bakarkako politika ekonomikoak»

► Alemaniako kantzalaria gonbita egin zien

atzo bere bazkideei, euroaren jaiotza elkarlanerako politikak egiteko baliatu behar dela esanez. «Moneta Batasunaren hasierarekin bukatu dira bakarkako politika finantziario eta ekonomiko nazionalak». Moneta Batasunerako Egonkortasun paktua Enpleguari buruzko paktuarekin

osatzea beharrezkoa dela ere gogoratu zuen Schroederrek.

Jacques Chirac • Frantziako lehendakaria



«Euroak aro berria zabaldu du»

► «Moneta bakarrak Europa aldatuko du. Frantziarrontzat, aukera bat da. Erosketetan aukera gehiago ekarriko dizkigu, prezio txikiagoak, merkatu kuota berriak, inbertsio aukera berriak eta, ondorioz, enplegua. Mundu ziurgabe batean egonkorta-

sunak ekarriko digu, indarra planetan dauden polo ekonomiko handien aurrean.

Rodrigo Rato • Espainiako Ekonomia ministroa



«Herriarren arazoak konponbiderako baliabidea da»

► «Euroa hiritarren arazoak konponbidean aurrera egiteko baliabidea da; enpleguan, bizitza kalitatean, osasungintzan, pentsioetan... Azken batean, gure aberastasunean».

Kiichi Miyazawa • Japoniako Finantza ministroa.



«Yena nazioartekotu egin behar da»

► «Japoniako dibisa bultzatu behar da, euroaren sorrerak hori beharrezkoa dela erakutsi baitu. Euroak aktibitate ekonomiko zabalduko du Europan, mugikortasun laborala bultzatu, eta ondorioz, integrazioak hazkunde ekonomiko ekarriko du herrialde horietan. Euroarekin Japoniak gune horrekin dituen harremanak sakonduko dira».